



Газет  
1994 жылдың 15 сәуірінен  
бастап шығады

• Қалалық қоғамдық-саяси әлеуметтік-  
ақпараттық тарихи-танымдық газет •  
E-mail: akmeshit.kz@mail.ru

Елімізде таза ауызсу мәселесі түбегейлі шешімін тапты деп айтуға әлі ерте. Бұл – әлі де күн тәртібіндегі мәселе. Жақында Үкіметте ауылды да, қаланы да таза ауызсумен қамтамасыз ету мәселесі қаралды.

«Таза су үшін  
2025-інші жылды  
күтпейміз»



Үкімет отырысында еліміздің барлық елді мекені мен қаласын 100 пайыз таза ауызсумен қамтамасыз ету жұмыстары биылдан бастап қолға алынатыны айтылды. Ауқымды жұмыс ең алдымен тұрғындарды таза ауызсумен қамту деңгейі төмен аймақтардан басталмақ. Мұндай аймақтар қатарына Жамбыл, Қостанай, Ақмола, Солтүстік Қазақстан облысы жатады екен.

Осы орайда айта кетелік, Қызылорда облысы сапалы ауызсумен қамтамасыз етуде өңірлер арасында алдыңғы қатарда. Бұл туралы Үкімет отырысында ҚР Индустрия және инфрақұрылымдық даму министрі Марат Қарабаев баяндады. Ведомство басшысының айтуынша, қалалық елді мекендерді сумен қамту бойынша Қызылорда облысы 100% көрсеткішке қол жеткізген. Үздіктер қатарында Солтүстік Қазақстан, Маңғыстау, Атырау, Жетісу, Батыс Қазақстан, Ұлытау, Ақтөбе және Алматы облыстары бар. Сонымен қатар Қызылорда облысы ауылдық елді мекендерді ауыз сумен қамту бойынша 98,1% көрсеткішпен аймақтар арасында 5-ші орынға тұрақтаған.

Биыл сумен жабдықтау және су бұру жүйелерін салуға және реконструкциялауға республикалық бюджеттен 280 млрд теңге бөлінген. Бұл қаражатқа 402 жобаны, оның ішінде қалаларда 167 млрд теңгеге 135 жобаны, ауылдарда 113 млрд теңгеге 267 жобаны жүзеге асыру жоспарланып отыр. Жыл қорытындысы бойынша сумен жабдықтаудың қолжетімділік деңгейі: қалаларда – 98,8%-ға, ауылдарда – 96,3%-ға жетуі тиіс. Жалпы 2025 жылға дейін қалған 25 қала мен 1395 ауылдың тұрғындары тиісті қызметтермен қамтылады.

2 БЕТТЕ

# СЫР МҰНАЙЫ ҚАНША ТҰРАДЫ?



Еліміздегі мұнайлы аймақтың бірі – Қызылорда. Соңғы кезде Сыр мұнайы сарқылып, суы көбейіп кетті деген әңгіме желдей есіп жүр. Оның үстіне Қызылорданың мұнайы басқа аймақтармен салыстырғанда әлдеқайда арзан деген де сөз бар.

Қызылорда облысын Қырымбек Көшербаев басқарған тұста да айтылды осы жайт. Сөзіміз дәйекті шығуы үшін 2017 жылдың ақпан айында облыстық «Сыр бойы» газетіне жарияланған «Қызылорда облысының 2016 жылғы әлеуметтік-экономикалық даму қорытындыларын» алға тартайық. Онда: «2016 жылғы өнеркәсіп өндірісі өнімінің көлемі 645,1 млрд

тенгені құрады, бұл 2015 жылғы көрсеткіштен 9,8%-ға кем. Оған барланған мұнай кеніштеріндегі қордың сарқылуына байланысты өнім өндіру көлемінің азаюы және әлемдік мұнай бағасының арзандауы ықпал етіп отыр. 2016 жылы барлығы 7,7 млн тонна мұнай өндіріліп, 2015 жылмен салыстырғанда 1,3 млн тоннаға немесе 2014 жылмен салыстырғанда 2,2 млн

тоннаға кеміді. Өңірдің мұнай өндіруге тәуелділігін ескере отырып, сонымен қатар экономика құрылымын өзгерту біршама уақытты талап ететіндігіне байланысты минералды шикізат базасын әрі қарай дамыту және жаңа кен орындарын игеру жұмыстары жалғасуда», – деп жазылған.

2 БЕТТЕ


### ҚҰРМЕТ

Отан үшін кеудесін оққа тосқан жауынгерлердің бірі, ғасыр жасаған майдангер, шиелілік – Сәрсенбек Байжанов.

## 100-дегі жүректің жылуы

Соғыс ардагерінің ғасырлық мерейтойымен облыс әкімі Нұрлыбек Нәлібаев арнайы құттықтап, Сыр жұртшылығы атынан автокөлік табысты.

– Қазақта «қос тойың қабат болсын, екі дүниең абат болсын» дейді. Биыл сіздің 100 жасқа толуыңызбен қатар жеңістің 78 жылдығын да тойлаудамыз. 9 мамырды жеңіс мерекесі десек те, оған жететін жолдың қаншалықты ауыр болғанын бүгінгі ұрпақ ешқашан ұмытпайды. Туған елдің тәуелсіздігі мен бостандығы үшін жанын қиған боздақтарымызды біз мәңгі есте сақтаймыз. Майдан даласында Отан үшін кеудені оққа тосқан ерліктеріңіз бен қайсарлықтарыңыз үшін бас иіп, алғыс айтамыз, – деді аймақ басшысы.



Сәрсенбек Байжанов 1923 жылы Шиелі ауданында дүниеге келген.

Соғыс жылдары Сталинградтың Солтүстік батысындағы Магеллан қаласындағы шайқасқа қатысқан. Сол жолы көзінен, қолынан, аяғынан жаракат алып, бір жылдай госпитальда емделген. Екінші топтағы соғыс мүгеделі болып елге оралады. «Қызыл жұлдыз», «Германияны жеңгені үшін» ордендерімен және Ұлы Отан соғысының 50, 60, 65, 70, 75 жылдық мерекелік медалімен марапатталған. Жұбайы Жәмилә Сейітжанқызы екеуі 5 ұл, 6 қыз тәрбиелеп, олардан 40 немере, 65 шөбере және 3 шөпшек сүйген.

Өз кезегінде Ұлы Отан соғысының ардагері, ғасыр иесі Сәрсенбек Байжанұлы береке-бірлік бар жерде ғана істің алға басатынын айтып, аймақ басшысына ақ батасын берді.

А.ӘЛІМ



## Отан үшін от кешкендер

Жеңіс күні мерекесі қарсаңында облыс әкімінің орынбасары Нұрымбет Сақтағанов пен қала әкімі Асылбек Шәменов Қызылордадағы соғыс ардагерлері Төлеген Жүнісов пен Әбдірахман Бәйтқовтің шаңырағына арнайы барып, облыс әкімі Нұрлыбек Нәлібаевтың құттықтауын жеткізді.



1942 жылы Ашхабад қаласындағы командирлер курсы аяқтамастан майдан шебіне аттанған. Отанын қорғау жолында жан беруге

биіктеп, қадір-қасиеті, бағасы артып, тағлым-тәрбиесі мен мән-мағынасы тереңдей түсетіні анық. Осы орайда, азаматтық арды ту етіп, ерліктің ерен үлгісін көрсеткен сіздерге әрдайым қамқорлық жасау, ардақтау біздің перзенттік парызымыз, – деген облыс әкімінің орынбасары Нұрымбет Сақтағанов пен қала әкімі Асылбек Шәменов қос ардагерге құрмет көрсетіп, сый-сияпат жасады.

Отан үшін күресте етігімен от кешіп, кеудесін оққа төсеген соғыс ардагерлерінің алдында бүгінгі

Қасіретті жылдардың куәгері болып, қан майданда ерліктің ерен үлгісін көрсеткен ардагерлеріміз қандай құрметке болсын лайық. Зымыраған уақыт, биыл сұрапыл соғыстың аяқталғанына да 78 жыл толып отыр. Сол кезеңде майданға аттанған жауынгерлердің жасы 16-ға енді толған болса, бүгінде көзі тірі ардагерлер 100 жасқа толуда. Зұлматты күндерді бастан кешкен олар ғасырлық тарихтың куәгерлері. Қазір аймақ бойынша 6 соғыс ардагері бар. Соның екеуі қалада тұрады.

1942 жылы қызыл әскер қатарына қабылданып, кіші командирлер курсының үздік төмамадан Төлеген Жүнісов сержант шенімен 688-ші атқыштар полкінде болып, Украина майданына аттанған. Майдан шебінде жүріп шешуші ұрыстарға қатысып, ерлігімен көзге түскен. Соғыс аяқталып, елге аман-есен келген жауынгер мұнан соң елдегі еңбекке араласты. Елдің көркеюіне үлес қосты.

Бүгінде жасы 100-ге таяған соғыс ардагері Әбдірахман Бәйтқов



дайын 18 жастағы жауынгердің бар мақсаты дұшпанның көзін жою, жеңіске жету еді. Дегенмен Курск түбіндегі шайқаста ауыр жараланған жауынгер туған жерге оралады. Елге оралып еңбекке араласты. Ел басына түскен тауқыметті жылдарды жұртшылықпен бірге көтерісті.

Уақыт алға жылжыған сайын бұл қастерлі күннің шоқтығы

бейбіт, тыныш өміріміз үшін әрқашан қарыздармыз. Олардың жанқиярлық ерлігі ешқашан ұмытпайтыны хақ.

Өз кезегінде майдангерлер ақ батасын беріп, бейбіт күніміз бен берекелі тыныштығымыз мәңгі болсын деген тілектеріңізді білдірді.

А.СЕЙІЛ





